



SACRATISSIME CÆSAR, DOMINE, DOMINE Clementissime.



Qui post plurium annorum vigilias in lucem prodit liber, ad SACRATISSIMÆ MAJESTATIS VESTRÆ pedes sese conjicit; &, dum à Clementissimo Augusti Sideris influxu fo- veri implorat, regnorum amplissimorum DO- MINO, & orbis MODERATORI tria me- dentium

dentium regna substernit. Artium & scientiarum, quarum culturâ reipublicæ salus viget, illud hactenus certamen fuit; ut lucubrationum, & industriæ suæ partus ad CÆSARIS illius solium adferrent, quem VINDICEM, FAUTOREM, & INSTAURATOREM suum omnes deprædicant. Prævenerunt nos plurimæ; hoc tandem in volume minime postrema sese sifit Pharmaceutica. Rerum, quas vastissimus naturæ sinus complectitur, propè omnium coordinatio; iteranda non semel tentamina, & ad experimentorum trutinam revocanda, non poterant non longiores moras injicere; atque satius duximus, immaturæ temeritatis, quam dilati obsequii notam effugere.

Dolebamus sanè miseram ægrotantium sortem, cui sæpenumerò plus molestiæ, periculivè à medendi discrepantia, quàm à morborum conflictu

fictu imminebat ; dum in parandis pharmaciis
ars sibi contradiceret , atque ideo saluberrima
medentium studia aut eluderet penitus , aut diu-
tiūs in ancipiti suspenderet. Dissidio modum
hoc opere statuimus , & dum disciplinam in par-
tes scissam , stabilem ad normam , legēmque re-
vocamus , unā & medentium curas tutiori in loco
reponimus , & ægris levamen asserimus. Ne-
que tamen est , quod hunc conatum nostrum , sa-
luti publicæ dicatum , & labore , studio , ac ære
non modico paratum ab omni metu absolutum
putemus ; nisi Sacratissimis MAJESTATIS
VESTRÆ auspiciis protegatur. Fuere , & erunt
forsitan viri doctrinâ , & arte præstantes , qui in
contrariam à nobis sententiam abeant ; Sed quis
laceſſere audeat , quod ipsa in fronte AUGU-
STO NUMINĒ munitum viderit ? si verò
DEO Simillimos Principes efficit publica pro in-
colu-

columitate excubans providentia ; artem , quâ
non commodis, opibus, ac fortunis , sed saluti , ac
vitæ hominum consulitur , à MAJESTATE
VESTRA protectum iri , nemo est , qui seu ve-
lit , seu possit ambigere.

Hæc igitur studia nostra , quæ pro communi
omnium salute publica esse voluimus , ad MA-
JESTATIS VESTRÆ solium procumbunt.
Ratio , & Experientia , quibus duce & Magi-
strâ usi fuimus , CÆSARI ORBIS SOSPI-
TATORI volumen offerunt ; quod dum medelæ
parandæ , atque adeo valetudini vel stabilien-
dæ , vel reparandæ rationem continet , id unum
DEUM Optimum Maximum precamur , ut
MAJESTATEM VESTRAM , in qua
vitam , salutem , & incolumentem suam flo-
rentissima regna , & mundi pars melior respi-
ciunt ,

ciunt, artis nostræ subsidiis minimè indigam,
nobis, & humani generis bono quam diutissimè
Sospitem indulgeat

ITA VOVET

SACRATISSIMÆ MAJE
STATI VESTRÆ

Submississimum Collegium

PHARMACEUTICUM VIENNENSE.